

Ֆեդոսենք, Ե. Պ. Վեյիխանովը, ՀՍՍՀ Մի-
նիստրների խորհրդի նախագահի տեղակալ-
ներ **Ա. Մ. Կիրակոսյանը, Կ. Հ. Համբար-**
յանը, Ռ. Բ. Սվետլովան, Ինչպես նաև ակա-
դեմիկոս գիտնականներ, եղբայրական գիտու-
թյունների ակադեմիաների ղեկավար գործի-
ներ

Վ. Հ. Համբարձումյանին ողջունեց ՀԿԿ
Կենտկոմի առաջին քարտուղար **Կ. Ս. Գե-**
միրճյանը։ Նա առաջ, որ զբնդվ Վ. Հ. Համ-
բարձումյանի 70-ամյակը, մենք արտահայ-
տում ենք համաժողովրդական ճանաչումը և
խորին հարգանքը այն մարդու նկատմամբ,
որով իրավամբ հպարտանում ենք որպես լե-
նինյան մեծ կուսակցության արժանավոր զա-
վակի, որն իր մեջ խտացնում է սովետական
քաղաքացու լավագույն հատկանիշները, մի
գիտնականով, որի սխրանքը դարձել է XX
հարյուրամյակի հանդուգն գիտական մտքի
նվաճումների տարեգրության մի վառ էջը,
որի անունը Լեոնիդ Իլյիչ Բրեժնևի պատկե-
րավոր արտահայտությամբ, «սովետական և
համաշխարհային գիտության երկնակամա-
րում... շողում է որպես առաջին մեծության
աստղ»։ Այնուհետև **Կ. Ս. Գեմիրճյանը** խո-
սեց սովետահայ գիտության զարգացման
գործում հորեղբայրի ներդրած մեծ վաստակի
և նրա ակտիվ հասարակական-քաղաքական
գործունեության մասին։ Վերջում նա վստա-
հությամբ հայտնեց, որ Վ. Հ. Համբարձում-
յանն ինչպես միշտ, ակտիվորեն, ուժերի ու
ետանդի, իր գիտելիքների ու տաղանդի լիա-
կատար նվիրումով կաշիատի հանուն մեր
սիրելի հայրենիքի հետագա առաջադիմու-
թյան ու բարգավաճման։

Այնուհետև հորեղբայրին դիմեց ՍՍՀՄ գի-
տությունների ակադեմիայի արեգիդենտ,
ակադեմիկոս **Ա. Պ. Ալեքսանդրովը**։ Նա
նշեց, որ Վ. Հ. Համբարձումյանը պատկանում
է այն մարտիկ գիտնականների թվին, որոնք
գիտության մեջ հանդես եկան հեղափոխա-
կան գաղափարներով, խորապես ներթափա-
ցելով հետազոտության ենթակա բնագավառ-
ները։ **Ա. Պ. Ալեքսանդրովը** հորեղբայրին մաղ-
թեց քաջատղություն, մոր մեծ հաջողու-
թյուններ աշխատանքում՝ ի բարօրություն առ-

վետական գիտության և ապա նրան հան-
ճեց ՍՍՀՄ գիտությունների ակադեմիայի նա-
խագահության ողջույնի ուղերձը։

Վրաստանի գիտությունների ակադեմիայի
արեգիդենտ **Ե. Գ. Խալաձեն** հրապարակեց
ՎԿԿ Կենտկոմի, ՎՍՍՀ Գերագույն սովետի
նախագահության և Միմիստրների խորհրդի
ողջույնի ուղերձը՝ ուղղված Վ. Հ. Համբար-
ձումյանին։ Այնտեղ մասնավորապես ասված
է, որ հորեղբայրը լինելով իսկական սովետա-
կան հայրենասեր և իմտերևացի ունակ, հա-
յ և վրաց ժողովուրդների բարեկամության ու
եղբայրության լավագույն ավանդույթների
կրող, ակտիվորեն մասնակցում է այդ հան-
րապետությունների գիտությունների ակադե-
միաների սերտ համագործակցության հետա-
գա ամրապնդմանը և զարգացմանը։

Եղբայրական հանրապետությունների գի-
տությունների ակադեմիաների անունից հո-
րեղբայրին ողջունեցին Կիրգիզական ՍՍՀ ԳԱ
արեգիդենտ **Կ. Գ. Կարակենը**, Ադրբեջանա-
կան ՍՍՀ ԳԱ փոխարեգիդենտ **Հ. Ֆ. Սուլ-**
թանովը, Էստոնական ՍՍՀ ԳԱ արեգիդենտ
Կ. Կ. Ռեբենեն, Տաջիկական ՍՍՀ ԳԱ փոխ-
արեգիդենտ **Ռ. Բ. Բարաթովը**, Բելոռուսա-
կան ՍՍՀ ԳԱ ակադեմիկոս **Ֆ. Ի. Ֆյոդորովը**,
Ղազախական ՍՍՀ ԳԱ ակադեմիկոս-քար-
տուղար **Զ. Ա. Ախմեդովը**, Լենինգրադի գիտ-
նականների անունից՝ ակադեմիկոս **Վ. Մ. Տուշկինը**,
համամիութենական «Գիտելիք»
ընկերության անունից՝ **Ն. Գ. Բաաթովը**։ ՀՍՍՀ
ԳԱ փոխարեգիդենտ **Է. Հ. Միրզաբեկյան**
ընթերցեց հանրապետության գիտություննե-
րի ակադեմիայի գիտնականների ուղերձը։

Վերջում ելույթ ունեցավ **Վ. Հ. Համբարձում-**
յանը։ Նա ՍՄԿԿ Կենտկոմին, ՍՍՀՄ Գերա-
գույն սովետի նախագահությանը, անձամբ
Լ. Ի. Բրեժնևին ի սրտե խորին շնորհակա-
լություն հայտնեց իր գիտական գործունեու-
թյունը բարձր գնահատելու համար։ Նա շնոր-
հակալություն հայտնեց նաև ելույթ ունեցող-
ներին և հավաստիացրեց, որ իր ուժերը, գի-
տելիքներն ու փորձը չի խնայի լենինյան կու-
սակցության իդեալներին, սովետական ժո-
ղովրդին, կոմունիզմի կառուցման մեծ գործին
ծառայելու ասպարեզում։

ՀԱՅ ԱՐՎԵՍՏԻՆ ՆՎԻՐՎԱՍ ՄԻՋԱԶԳԱՅԻՆ ԵՐԿՐՈՐԴ ԳԻՏԱԺՈՂՈՎԸ

Սեպտեմբերի 12—18-ը տեղի ունեցավ հայ
արվեստին նվիրված միջազգային երկրորդ
գիտաժողովը, որի աշխատանքներին մաս-
նակցում էին սովետական և արտասահման-

յան մոտ 200 գիտնականներ։ Գիտաժողովի
առաջին պլենար նիստում, որը տեղի ունե-
ցավ սեպտեմբերի 12-ին, ՀՍՍՀ ԳԱ նիստերի
դահլիճում, նրա մասնակիցներին հանրապե-

տության կառավարության անունից ողջունեց ՀՍՍՀ Միջնախորհրդի խորհրդի նախագահի առաջին տեղակալ, գիտաժողովի կազմակերպիչի նախագահ Ա. Կիրակոսյանը: Հատկանշական է, ասաց նա, որ գիտաժողովը տեղի է ունենում այն օրերին, երբ հայ ժողովուրդը հանդիսավորությամբ ճշուժ է Ռուսաստանի հետ Արևելյան Հայաստանի միավորման 150-ամյակը, որը բախտորոշ ճշմանակություն ունեցավ մեր ժողովրդի կյանքում: Մեզ համար, այնուհետև ասաց նա, մեծ է այս գիտաժողովի ոչ միայն գիտապատմական, այլև մշակութային-հասարակական ճշմանակությունը: Այն վկայում է, որ այսօր Հայաստանն է հայագիտության կենտրոնը: Միաժամանակ հայագիտությունը վերելք է ապրել նաև համապետությունից դուրս և դրանով իսկ հայ ժողովրդի բազմադարյան պատմությունն ու հոգևոր մշակույթը դարձել են միջազգային ավելի լայն շրջանների հետաքրքրության առարկան: Հայ ժողովրդի հարուստ և բազմակողմանի մշակութային ժառանգությունը, ճշեց Ա. Կիրակոսյանը, մեր կապն է սերունդների հետ, այն ամուր մշակութային պատվանդանը, որին հենվել է մեր ժողովրդի բարոյական ոգին, այն աղբյուրը, որից սնվել են մեր բարոյագաղափարական և գեղարվեստական ձգտումները: Հայ արվեստի գեղարվեստական մտածողության ամենավառ արտահայտություններից է նրա ամենաբարձր թոփառներից մեկը՝ ճարտարապետությունը, որն իր նպաստն է բերել միջազգային ճարտարապետությանը: Այս գիտաժողովի նպատակն է, նկատեց Ա. Կիրակոսյանը, մի կողմից անցյալ արժեքների հետազոտությունը, իսկ մյուս կողմից՝ ժամանակակից այն պրոբլեմների առաջադրումը, որոնք թելադրված են արվեստի զարգացման արդի օրինաչափություններով:

Վերջում Ա. Կիրակոսյանը համոզմունք հայտնեց, որ գիտաժողովը մեծապես կնպաստի հայ արվեստի երևույթների քննությանն ու գնահատությանը, ինչպես նաև խաղաղության, փոխըմբռնողության, համագործակցության գաղափարներին:

Գիտաժողովի մասնակիցներին ՀՍՍՀ ԳԱ նախագահության անունից ողջունեց ակադեմիայի պրեզիդենտ, ակադեմիկոս Վ. Համբարձումյանը: Նա մասնավորապես ճշեց, որ հանրապետության գիտությունների ակադեմիայի նախագահությունը հայ արվեստի ուսումնասիրությունը համարում է հատուկ ուշադրության արժանի գործ: Դա անհրաժեշտ է պատմության ճիշտ ըմբռնման համար, այսօրվա արվեստի պրոբլեմների լուծ-

ման գործում միջնադարյան հայ արվեստի դերի գնահատման նոր ձևեր ու գաղափարներ առաջ քաշելու համար:

Այնուհետև ելույթ ունեցավ Միլանի պոլիտեխնիկումի պրոֆեսոր Ա. Ալպագո-Նովելոն, որն իր գործընկերների անունից շնորհակալություն հայտնեց գիտաժողովի աշխատանքին մասնակցելու ընձեռած հնարավորության համար:

Պլենար միստում լավեցին նաև գիտական զեկուցումներ: ՀՍՍՀ ԳԱ ակադեմիկոս Բ. Առաքելյանը զեկուցեց «Հայաստանի արվեստի զարգացման անտիկ շրջանի մասին» թեմայով: Հոռոմի համալսարանի պրոֆեսոր Պ. Կունեոն իր ելույթը նվիրեց միջնադարյան հայ քաղաքաշինության հարցերին, իսկ Երոֆեսոր Օ. Պողոբեղովան (Մոսկվա) լուսաբանեց միջնադարյան գրքարվեստի պատկերագրության աղբյուրների հետ կապված որոշ հարցեր:

Այնուհետև հայ արվեստին նվիրված միջազգային երկրորդ գիտաժողովի աշխատանքները շարունակվեցին ըստ մասնաճյուղերի: Դրանք էին՝ հին Հայաստանի մշակույթը և արվեստը, միջնադարյան ճարտարապետություն, միջնադարյան արվեստ, հայ միջնադարյան մանրանկարչություն, հայ նոր և սովետական արվեստ: Մասնաճյուղերի միասերի ընթացքում գիտաժողովի մասնակիցները կարդացին և քննարկեցին բազմաթիվ զեկուցումներ, որոնք վերաբերում էին Հայաստանի հին մշակույթին, միջնադարյան ճարտարապետությանը, կիրառական արվեստներին, մանրանկարչությանը, սովետական իշխանության տարիներին կուլտուրայի և արվեստի ասպարեզներում հայ ժողովրդի ձեռք բերած նվաճումներին: Մասնաճյուղերի միասերում ելույթ ունեցողները բերեցին բազմաթիվ հետաքրքիր փաստեր, կատարեցին նյութերի ցուցադրումներ, որոնք վկայում են հայ արվեստի փոխադարձ կապերը այլ երկրների արվեստների հետ, նրա ծանրակշիռ ավանդը համաշխարհային մշակույթի զարգացման գործում:

Ընդհանուր առմամբ գիտաժողովի պլենար միստերում և հինգ մասնաճյուղերում նրա մասնակիցները հանդես եկան ավելի քան 180 հետաքրքիր զեկուցումներով ու հաղորդումներով, որոնք առաջացրին մտքերի աշխույժ փոխանակություն:

Գիտաժողովի մասնակիցների համար կազմակերպվեցին էքսկուրսիաներ դեպի հայկական ճարտարապետական հուշարձանները՝ Էջմիածին, Զվարթնոց, Գառնի, Գեղարդ, Հաղպատ, Սանահին, Գոշավանք, Հաղար-

ծին, Սարգստապատ և այլն: Նրանք եղան ման հանրապետության տեսարժան վայրերում, մայրաքաղաքի թանգարաններում, պետական պատկերասրահում և Մատենադարանում:

Հայ արվեստին մվիրված միջազգային երկրորդ գիտաժողովի եզրափակիչ պլենարիստում արժեքավոր զեկուցումներով հանդես եկան ճարտարապետության դոկտոր Վ. Հարությունյանը (Երևան), Ժ. Թիերին (Ֆրանսիա, Էտամպ): Նրանցից առաջինը զեկուցեց «Ժառանգականությունը հայ միջնադարյան ճարտարապետության զարգացման մեջ» թեմայով, իսկ երկրորդը խոսեց Կարսի Առաքելոց եկեղեցու քանդակների մասին:

Եզրափակման խոսքով հանդես եկավ գիտաժողովի կազմկոմիտեի մախագահի տեղակալ, ՀՍՍՀ ԳԱ թղթակից անդամ Ռ. Զարյանը: Նա կազմկոմիտեի, ՀՍՍՀ ԳԱ մախագահության անուանից շնորհակալություն հայտնեց զեկուցումներով հանդես եկած գիտնա-

կանների, մշեց մրանց մեծ ավանդը հայ արվեստի ուսումնասիրության գործում: Ռ. Զարյանը մշեց, որ գիտաժողովն աչքի ընկավ բազմազան թեմատիկայով և մոր քայլ հանդիսացավ հայ ժողովրդի մշտական և հոգևոր մշակույթի արժեքների լայն հետազոտման ու արժեքավորման ուղղությամբ:

Գիտաժողովի եզրափակիչ պլենարիստում ելույթ ունեցան ման Ս. Կամենսկին (Մոսկվա), Բ. Բրենտիեսը (Բեռլին) և Ս. Ալպագո-Նովելոն (Միլան): Նրանք գիտաժողովի մասնակիցների անունից շնորհակալություն հայտնեցին մրա աշխատանքը լավ կազմակերպելու համար, մշեցին, որ տարբեր երկրների հայագետների միջև հաստատված կապերը այսուհետև կզարգանան ու կամրապնդվեն, հայ մշակույթն ու արվեստը կդառնան ավելի շատ երկրների գիտնականների լայն ու խոր հետազոտության առարկա:

Դրանով հայ արվեստին մվիրված միջազգային երկրորդ գիտաժողովն ավարտեց իր աշխատանքները: